



EBAZPENA, 2019KO MAIATZAREN 15EKOA, HEZKUNTZA SAILEKO LANGILEAK KUDEATZEKO ZUZENDARIARENA. HONEN BIDEZ, 2019/2020 IKASTURTERAKO EUSKAL GIROTZE BARNETEGIETAN LANPOSTU BAT—ZERBITZU-EGINKIZUNETAN EDO, HALA BEHAR BALITZ, BEHIN-BEHINEKO ESLEIPENEKO ERREGIMENEAN—BETETZEKO DEIALDIA EGITEN DA.

Euskal Girotze Barnetegiaren helburu nagusia etxeko eta kaleko erdal giroan bizi diren ikasleei euskal giro aberats bat ezagutzeko eta, are gehiago, bertan euskaraz bizitzeko aukera eskaintzea da, honela beraien euskara ikasteko prozesuari bultzada eragingarria eman diezaioten. Batez ere zera lortu nahi da: euskaraz lehen pausoak ematen ari diren ikasleei hizketan askatu ezin hori gaindiaztea; euskaraz komunikatzeko gai direla konturaziz beren buruekiko segurtasuna eta konfiantza sortzea, eta hitz-etorria indartzea. Beraz, barnetegiaren xede nagusia ikasleen hizkuntza-gaitasuna indartzeko ekintzak burutzea da.

Bost Euskal Girotze Barnetegi ditu horretarako, besteak beste, NOLEGA programak. Barnetegi hauek Hezkuntza Sailaren mende daude eta, bertan, NOLEGA programaren baitako ekintzak garaiz eta zuzen bideratzeko beharrezko neurriak hartu ohi ditu Hezkuntza Sailak.

Lanpostuak betetzeko aparteko eratzat taxutu da zerbitzu-eginkizuna. Honako hauetan arautzen da: uztailearen 6ko 6/1989 Legeko 54. artikuluan (6/1989 Legea, uztailearen 6koa, Euskal Funtzio Publikoari buruzkoa) eta uztailearen 6ko 185/2010 Dekretuko 12. artikuluan (185/2010 Dekretua, uztailearen 6koa, Euskal Autonomia Erkidegoko unibertsitateaz kanpoko irakasleen lan baldintzak onartzen dituen hitzarmena onartzen duena).

Lan-kontratua duten langileei dagokionez, Enplegatu Publikoaren Oinarriko Estatutuari buruzko Legearen testu bategina onesten duen urriaren 30eko 5/2015 Legegintzako Errege Dekretuak, 83. artikuluan ezartzen duenez, lan-kontratudun langileak lekuz mugitu eta lanpostuak betetzerakoan, aplikatzekoak diren hitzarmen kolektiboetan ezarritakoa izango da oinarri, eta, horrelakorik ezean, karrerako funtzionarioak lekuz mugitzeko eta lanpostuak betetzeko sistema hartuko da aintzakotzat.

Horregatik, egokitzen jotzen da lan-kontratudun langileek lanpostuak betetzeko deialdi honetan parte hartu ahal izatea behin-behineko esleipenaren figuraz, zeina zerbitzu-eginkizunen sistemaren antzekoa baita.

Horren arabera, betiere Hezkuntza Sailaren egitura organikoa eta funtzionala ezartzen duen apirilaren 11ko 79/2017 Dekretuaren 10. artikuluan xedatutakoa kontuan hartuta, honako hau

EBAZTEN DUT:

Lehena.- Deialdiaren xedea.

Deialdi honen xedea da zerrendatzen den lanpostua betetzea, 2019/2020 ikasturterako:

- Lemoizko Euskal Girotze Barnetegian: irakasle-monitore lanpostu bat.

- a) Funtzionario eta praktiketako funtzionarioen kasuan, zerbitzu-eginkizunean beteko dira lanpostuak.
- b) Lan-kontratudun langileen kasuan, behin-behineko esleipenaz beteko dira.

Bigarrena.- Eskakizunak, bazterketak eta uko egiteak.

- a) Karrerako funtzionarioa izatea, Euskal Autonomia Erkidegoko unibertsitateaz kanpoko irakaskuntzan, dagokion kidegoan, eskatutako lanpostuaren arabera.



- b) Aipatutako mailetako lan-kontratu finkoa duten irakasleek ere parte hartu ahal izango dute.
- c) Orobat parte hartu ahal izango dute praktiketako eta bitarteko funtzionarioek, baina lehentasuna izango dute karrerako funtzionarioek nahiz lan-kontratu finkoa duten langileek.
- d) Eskaera aurkezten denean, Hezkuntza Sailaren menpeko ikastetxe publiko batean zerbitzu aktiboko egoeran, edo postuaren erreserba dakarren egoera administratiboren batean egotea, eginkizun gabetzea izan ezik.
- e) Era berean, parte hartu ahal izango dute, deialdi honen bidez zerbitzu aktibora itzuliz, zerbitzu berezietakoek eta borondatezko eszedentzia egoeran daudenek, beti ere egoera horretan egoteko gutxieneko epea bete baldin badute.
- f) Ebazpen hau argitaratu den egunera bitarte, deialdi honetan deitutakoez, 2019/2020 ikasturterako, bestelako lanpostu baterako izendatua ez izana zerbitzu-eginkizunean edo behin-behineko esleipenaz.
- g) Lanpostu bakoitzeko gainontzeko betekizunak ebazpen honen Eranskinetan daude jasota.
- h) Deialdi honetatik kanpo geratzen dira 2019/2020 ikasturterako IRALE programarako liberatuta egongo direnak.
- i) Aurreko ikasturteetan esleitutako zerbitzu-eginkizuna edo behin-behineko esleipena 2019/2020 ikasturterako luzatzeari uko egin dioten pertsonak, ezingo dute ukoaren xede den lanpostua aukeratu.
- j) Behin zerbitzu-eginkizuna edo behin-behineko esleipena esleituta, ezingo zaio hari uko egin, deialdi honen xede den ikasturtea bukatu arte.

Hirugarrena.- Eskabideak formalizatzeko epea, aurkeztu beharreko dokumentazioa eta eskabideak aurkezteko epea.

- a) Eskaeraren formalizazioa

Izangaiek beren eskabidea egin beharko dute Hezkuntza Sailaren webgunean argitaratutako eredu ofizialean.

Eskabidea Hezkuntza Saileko Langileak Kudeatzeko zuzendariari bidali beharko zaio.

Eskabideak ondoko lekuetan aurkeztu ahalko dira:

- Hezkuntza Sailaren Lurralde-ordezkaritzetan.
- Herri Administrazioen Administrazio Prozedura Erkidearen urriaren 1eko 39/2015 Legearen 16.4 artikuluan adierazitako erregistroetako edozeinetan.

- b) Epea

Eskaerak aurkezteko epea 2019ko maiatzaren 23an bukatuko da, egun hori barne.

- c) Eskabidearekin batera nahitaez aurkeztu beharreko dokumentazioa.

Eskabideak ondokoarekin batera aurkeztu beharko dira:

- **Eskatutako betekizun espezifikoak:** Haiek egiaztatzeko dokumentazioa (originala edo kopia konpultsatua).

Administrazioaren eskura ez daudenak alegatu egin beharko dira, eta esandako ziurtagiri bidez aurkeztu.



- **Adierazitako merezimenduak:** Egiaztagiri ofizialak (originalak edo kopia konpultsatuak).
Administrazioaren eskura daudenak alegatu egin beharko dira, eta gainerakoak esandako ziurtagiri bidez aurkeztu.

Eskabidearekin batera aurkeztu ez diren merezimenduak ez dira baloratuko, ezta dokumentazioan jaso arren behar bezala egiaztatuta ez direnak ere
- **Memoria:** Hautagaiek bete beharreko funtzioei eta lanari buruzko memoria bat aurkeztu beharko dute.

Laugarrena.- Balorazio-baremoa.

- a) Hautagaien merezimenduak deialdi honetako I. Eranskinean argitaratutako baremoaren arabera puntuatuko dira. Ebazpen honen argitaratze-datara arte hobetutako merezimenduak baino ez dira aintzat hartuko, betiere behar bezala egiaztatuta badaude.
- b) Era horretan, guztira 25 puntu lor daitezke gehienez.
- c) Prozesutik kanpo geratuko dira memoriaren balorazioan gutxienez 2,5 puntu lortzen ez dutenak.
- d) Puntuazioaren guztizkoan berdinketarik gertatuz gero, honela ebatziko da, hurrenez hurren: baremoaren atal bakoitzeko puntuazio altuenari begiratuz eta atalak baremoan duten hurrenkera kontuan hartuz.

Bosgarrena.- Balorazio-prozesuaren faseak:

- a) Eskatzaileak eskatutako lanpostuen eskakizunetara egokitzen direla egiaztatzea. Hau Hezkuntzako Lurralde Ordezkaritzek egin dezakete, Balorazio Batzordeak zehaztutako irizpideen arabera.
- b) Memoriak baloratzea: prozesuan aurrera egiteko, gutxienez 2,5 puntu lortu behar dira memorian.
- c) Merezimenduak baloratzea. Balorazio hori Hautapen Batzordeak egingo du.

Seigarrena.- Balorazio Batzordea.

- a) Balorazio Batzordea sortuko da eta hauek izango dira kideak:

Lehendakaria:

- Hezkuntza Berriztatzeko zuzendaria edo haren ordezkoa.

Idazkaria:

- NOLEGako teknikari bat.

Batzordekideak:

- Euskal Girotze Barnetegietako koordinatzailea.
- Langileak Kudeatzeko teknikaria.

- b) Adituak diren aholkulari teknikoak izan ahalko ditu Balorazio Batzordeak memoriak baloratzeko aipatutako batzordeak zehaztutako irizpideen arabera. Aholkulariok beren espezialitate teknikoak lantzerantz mugatuko dira, eta arlo horiei dagokienez soilik lan egingo dute Balorazio Batzordearekin.



- c) Era berean, sektorean ordezkapen nahikoa duen sindikatu bakoitzeko ordezkari bat izango da Balioespen Batzordean, hitzarekin baina botorik gabe.
- d) Deialdi honetan eskatutako baldintzak betetzen dituzten eta dagokion epean eta moduan aurkeztu diren eskariak balorazio batzordeak baloratuko ditu.

Zazpigarrena.- Ebazpena.

- a) Behin-behineko ebazpena eta erreklamazioak.

Balorazio-prozesua egin ondoren, Balorazio Batzordearen lehendakariak, Langileak Kudeatzeko zuzendariari bidaliko dio deialdi honen ebazpenaren proposamena, azken honek deialdiaren behin-behineko ebazpena eman dezan. Bertan, onartu eta baztertutako izangaia azalduko dira; era berean, izangai bakoitzari emandako puntuazio osoak eta atalkakoak ere azalduko dira.

Behin-behineko ebazpena Hezkuntzako webgunean argitaratuko da.

Hiru egun balioduneko epea izango da erreklamazioak egiteko.

- a) Behin betiko ebazpena.

Izan daitezkeen erreklamazioak aztertu ondoren edo erreklamaziorik ez balego, Langileak Kudeatzeko zuzendariak jakitera emango du aukeratutako hautagaien behin betiko ebazpena, bertan, hautagai bakoitzari emandako balorazioak azalduko dira, hautatutako eta baztertutako pertsonen azken zerrenda emango da, eta hutsik gera zitezkeen lanpostuak ere azalduko dira. Hautagaien lanpostuetan eskatutako baldintza guztiak betetzen badituzte —barnean hartuta balorazio-baremoan eskatutako gutxieneko puntuazioa—, deitutako lanpostuak ezingo dira hutsik geratu.

Behin-betiko ebazpena Hezkuntzako webgunean argitaratuko da.

Behin betiko ebazpenaren kontra, gora jotzeko errekurtoa jarri ahal izango zaio Administrazio eta Zerbitzuen sailburuordeari hilabeteko epean, ebazpen hau argitaratu eta biharamunetik aurrera.

Zortzigarrena.- Izendapena eta luzapenak.

- a) Aukeratutako izangaiei 2019/2020 ikasturtearen amaierara arte emango zaie lanpostua, betiere ikasturtean zehar titularra berriro lanean hasten ez bada.
- b) Zerbitzu-eginkizunak ematea, betiere, lanpostuak lekualdatze-lehiaketaren bidez ez betetzearen baldintzapean dago.
- c) Zerbitzu-eginkizunen esleipena edo behin-behineko esleipenak jaso dituztenek galdu egingo dituzte horiek, praktiketako funtzionario izendatzen badituzte eta ezin badute praktikak bete deialdi honen arabera esleitutako lanpostuan.
- d) Hautatutako pertsona zerbitzu aktiboan egon beharrenean beste administrazio-egoera batean egonez gero, zerbitzu-eginkizuna edo behin-behineko esleipena eskuratzeko lanera itzuli beharko du berehala, eta aldi berean esleituko zaio zerbitzu-eginkizuna edo behin-behineko esleipena. Ez badu hala egiten, eskubidea galduko du, eta hurrengo puntuazio handiena duen pertsona hautatuko da.
- e) Karrerako funtzionarioei zerbitzu-eginkizun bat emango zaie lanpostu horiek 2019/2020 ikasturtearen amaierara arte betetzeko.
- f) Praktiketako funtzionarioei dagokienez, zerbitzu-eginkizun bat emateko, karrerako funtzionario izan beharko dute 2019/2020 ikasturtean.



- g) Lan-kontratudun langileen kasuan, lanpostu horiek betetzeko behin-behineko esleipenaren ebazpena emango da, 2019/2020 ikasturtearen amaierara arte.
- h) Halaber, ordezkapenatarako hautagaien zerrendetan izena emanda dauden langileak edo bitarteko langileak aukeratuz gero, lanpostu horretan izendatuko dira 2019/2020 ikasturtearen amaierara arte.
- i) Aldi hori igaro ondoren, Hezkuntza Administrazioak egindako ebaluazioa positiboa bada, Langileak Kudeatzeko zuzendariak izendapena luzatu ahal izango du hurrengo ikasturteetarako, horretarako ezarritako prozedurari jarraituz eta lekualdatze-lehiaketan bidez betetzen ez badira.

Bederatzigarrena.- Ordezkoen zerrenda.

- a) Gutxieneko puntuazioa atera arren lanposturik lortu ez dutenak berriazko poltsa batean sartuko dira, puntuazioaren arabera zerrenda batean. Poltsa horren helburua hau izango da: ebazpena eman ondoren eta 2019ko abenduaren 31ra arte hutsik gera litezkeen alor horretako lanpostuak betetzea.
- b) Aldi baterako ordezkapenatarako Hezkuntza sailburuaren 2012ko abuztuaren 27ko Aginduak 19. artikuluan dioena hartuko da kontuan. Agindu horrek arautzen du EAEko unibertsitateaz aparte herri-ikastetxeetako irakaspostuen aldi baterako beharrak estaltzeko hautagaien zerrenda nola kudeatu.

Hamargarrena.- Ordainsariak.

Aukeratutako pertsonen zerbitzu-eginkizunean edo behin-behineko esleipenean betetako lanpostuari dagozkion ordainsariak jasoko dituzte.

Hamaikagarrena.- Lan-baldintzak.

- a) Hautatutakoek lan egingo duten Euskal Girozte Barnetegiko ordutegia eta egutegia bete beharko dute. Pertsona hauei aplikatuko zaie Hezkuntza Saileko irakasleen lan-baldintzen gaineko indarrean dagoen araudia.
- b) Hautatutakoek ezin izango dute parte hartu ordu-liberazioa behar duten euskalduntzeko ikastaro luzeetan. Halaber, ordu-liberazioa suposatzen duten bestelako ikastaroetan, parte hartu ahal izateko, dagozkion sailburuordetzaren berriazko baimena beharko da.

Hamabigarrena.- Datu pertsonalen babesa.

- a) Hezkuntza Sailak jasotako datuak 3/2018 Lege Organikoan, abenduaren 5ekoa, Datu Pertsonalak Babesteari eta eskubide digitalak bermatzeari buruzkoa eta 2/2004 Legean, otsailaren 25ekoa, Datu Pertsonaletarako Jabetza Publikoko Fitxategiei eta Datuak Babesteko Euskal Bulegoa Sortzeari buruzkoa, ezarritakoaren arabera tratatuko dira.
- b) Eskatzaileak ados daude beren datu pertsonalak deialdi honetan ezarritako xederako eta bertan aipatzen den bezala erabiltzearekin, bai eta Hezkuntza Saileko webgunean (www.hezkuntza.ejgv.euskadi.eus) eta Hezkuntza Ordezkaritzetako iragarki-tauletan argitaratzearekin ere, baina deialdiaren berezko izapideetarako soilik.

Hamahirugarrena.- Ordezko modura aplikatzeko araudia.

Prozedura gaitan ebazpen honetan arautu gabeko kasuetan, Herri Administrazioen Administrazio Prozedura Erkidearen urriaren 1eko 39/2015 Legean ezarritakoa aplikatuko da.

ERREKURTSOAK



Bide Administratiboa bukatzen ez duen Ebazpen honen kontra, gora jotzeko errekurtoa jarri ahal izango zaio Hezkuntza Saileko Administrazio eta Zerbitzuen Sailburuordeari hilabeteko epean ebazpen hau jakinarazi eta biharamunetik aurrera, beti ere Administrazio Publikoen Administrazio Prozedura Erkidearen, urriaren 1eko, 39/2015 legearen 121. artikuluan eta hurrengoek 112.1 artikulurekiko xedatutakoaren arabera.

Vitoria-Gasteizen, 2019ko maiatzaren 15ean

A handwritten signature in blue ink, appearing to read 'Jon Agirre Huerga'.

Jon Agirre Huerga
LANGILEAK KUDEATZEKO ZUZENDARIA

**I. ERANSKINA****LANPOSTUAK BETETZEKO BAREMOA**

GUZTIRA, GEHIENEZ: 25 puntu.

1.- *Merezimendu akademikoak: Gehienez 2 puntu.*

Lanpostuan jarduteko eskatzen denari erantsi zaion titulu bakoitzeko: 1 puntu

Unibertsitate-titulazioak, erdi mailakoak, diplomaturak edo lehen zikloko titulazioak, lizentziatura desberdin bat lortzeko baliagarri izan badira edo haien bigarren zikloa alegatu bada, ez dira kontuan hartuko.

2.- *Esperientzia: Gehienez 12 puntu.*

- Euskal girotze barnetegi publikoetan esperientzia, 0,05 puntu hilabeteko, gehienez 3 puntu.
- Helduen euskalduntzeko ikastetxe publikoetan esperientzia (IRALE, HABE, Udal Euskaltegiak), 0,05 puntu hilabeteko, gehienez 2 puntu.
- Helduen euskalduntzeko ikastetxe homologatuetan esperientzia, 0,02 puntu hilabeteko, gehienez 2 puntu.
- Institutio publikoetan aisialdi, talde dinamika edo antzekoetan emandako zerbitzuak, 7 eguneko 0,05 puntu, gehienez 2 puntu.
- Ulibarri programan aritu izana; HNAT gisa 0,5 puntu urteko. HN batzordekide gisa 0,25 puntu urteko, gehienez 3 puntu.

3.- *Prestakuntza: Gehienez 2 puntu.*

Azken 10 urteotan lanpostuaren zereginei lotuta egin diren 10 ordu edo gehiagoko ikastaroak, ziurtagiri ofizialen bidez akreditatuak edo Hezkuntza Sailak homologatutakoak, baloratuko dira. Ordu-kopurua adierazita ez duten egiaztagiria ez dira baloratuko.

- Emandakoa: 0,20 puntu, 10 orduko.
- Jasotakoa:
 - 10-30 ordutako ikastaroak: 0,20 puntu.
 - 31-50 ordutako ikastaroak: 0,40 puntu.
 - 51 baino ordu gehiago: 0,60 puntu.

4.- *Hizkuntza-arloan berariazko prestakuntza: gehienez 3 puntu.*

Baloratuko dira azken 10 urteotan egindako 10 ordu edo gehiagoko ikastaroen ziurtagiri ofizialak eta Hezkuntza Sailak homologatuak. Ez dira baloratuko ordu-kopurua adierazia ez dutenak.

10-30 ordutako ikastaroak: 0,20 puntu.
31-50 ordutako ikastaroak: 0,40 puntu.
51 baino ordu gehiago: 0,60 puntu.

5.- *Argitalpenak (ISBN-rekin): gehienez 2 puntu.*

- Soilik baloratuko dira eskatutako lanpostuaren lan arloarekin zerikusia dutenak.
- Honela balioetsiko dira:
 - Artikuluak: 0,5 puntu.
 - Egile bakarreko liburuak, *softwarea* eta bideoak: 0,75 puntu.
 - Zenbait egileko liburuak, *softwarea* eta bideoak: 0,25 puntu.



Dagokion alearen bidez egiaztatuko da.

Azaroaren 2ko 2984/1972 Dekretuak, abenduaren 12ko 2063/2008 Errege Dekretuaren bidez aldatuak, xedatutakoaren arabera ISBN, edo ISSN edo ISMN, derrigorrean adierazi behar duten arren ez duten argitalpenak ez dira baloratuko, ezta autorea eta editorea pertsona bera diren horiek ere.

6.- Memoria: gehienez 4 puntu.

Hautagaiek gehienez sei eta gutxienez lau orrialdeko memoria bat idatzi beharko dute, alde bakarretik, bertan Euskal Girotze Barnetegi batean bete beharreko 4 eguneko egonaldiaren programa azalduko da.

Gutxienez 2,5 puntu lortu beharko dira memorian, prozesuan jarraitu ahal izateko. Memoriaren edukia II. eranskinean dago zehaztuta, orientagarri.



II. ERANSKINA

MEMORIA

EUSKAL GIROTZE BARNETEGI BATEAN BETE BEHARREKO 4 EGUNEKO EGONALDIAREN PROGRAMARI BURUZKOA

(4-6 ORRIALDE)

EGILEA:

MEMORIA ZER LANPOSTURI BURUZKOA DEN:

Programaz gain, ondoko puntu hauek ere jorratuko dira memorian:

- 1. BARNETEGIEN HELBURUAK**
- 2. LANERAKO METODOLOGIA ETA PLANA**
- 3. BIBLIOGRAFIA LABURRA**

Memorian bertan, ezin izango da egilearen izen-abizenik jarri.